

## **“Podľu Romantiskeje dróhi”**

**Kubľanska wuprawa Serbskeho šulskeho towarstwa z. t. wot 03. do 7. meje 2020**

Lubi čłonojo SŠT a dalši zajimcy,

džensa Was wutrobnje přeprašujemy na našu lětušu wjacednjowsku jězbu do Rothenburga ob der Tauber a wokoliny. Nadžijamy so, zo smy za Was zajimawy program přihotowali.

### **Njedzelu, 03. meje**

Wotjězd z busom je w 7.00 hodž. z A.-Beblowehe-naměsta w Budyšinje. Zwonkabydlacy dóstanu pisomnu informaciju k wotjězdej. Pojědzemy po awtodróze přez Vogtland a dale do Bayerskeje. Přenja stacija po puću budže Nürnberg. Tam podamy so ze “CityTour-čahom” na koľojězbu přez stare město a ke kejžorskej twjerdziznje. Něhdže we 18.00 hodž. dojědzemy do Rothenburga. Tu mamy w hotelu “Rappen” štyri přenocowanja z wječerju a snědanju skazane. ([www.hotel-rappen-rothenburg.com](http://www.hotel-rappen-rothenburg.com))

### **Póndzelu, 04. meje**

Dopódnja smy přeprašeni na wjedženje po Rothenburgu. Wopytamy najrjeńše dypki stareho města a zhonimy wjele zajimaweho ze stawiznow. Słyšimy tež tón abo tamnu legendu a stawizničku. Popódnju změjemy swobodny čas, kiž smě kóždy na swoje wašnje wužiwać. Mamy składnosć sebi cyrkej swj. Jakuba z wołtarjom Tilmana Riemenschneidera wobhladać, hodowny muzej Käthe Wohlfahrts wopytać a po historiskej měščanskej muri z jeje wěžemi kročić. ([www.rothenburg-tourismus.de](http://www.rothenburg-tourismus.de))

### **Wutoru, 05. meje**

Pojědzemy podľu Romantiskeje dróhi na směr juh. Wopytamy zhromadnje z našej wodžerku města Feuchtwangen, Dinkelsbühl a Nördlingen.

### **Sriedu, 06. meje**

Na tutym dnju dožiwimy sewjerny džěl Romantiskeje dróhi, městačka podľu rěki Tauber. Přenja stacija budže město Creglingen. Tu wobhladamy sebi tak mjenowanu “Herrgottskirche” z krasnym wołtarjom. Dale pojědzemy do Weikersheima, hdžež wopytamy znaty hród a jeho barokowu zahrodu, kotraž je w stilu Versaillesa zapołożena. Připołdnju docpějemy Bad Mergentheim. Tu změjemy wjedženje po měsće a swobodny čas z připołdnišej přestawku. Naša wróco jězba powjedže nas přez doľ rěki Jagst a tak mjenowanu “Hohenloher Ebene”.

### **Štwórtk, 7. meje**

Po snědani podamy so na dompuć. Prjedy hač so rozeńdzemy, hišće zhromadnje w domiznje powječerjamy.

Za tych, kiž dyrjba strowotnych přičin dla swój wozyčk sobu wzać, njebudu problemy.

Zo bychmy jězbu přewjesć móhli, je 30 wobdžělnikow trěbnych.

**Wuprawa płaći za jednotliwca      450,00 €      (dwuľožowa stwa)**

**550,00 €      (jednowosobowa stwa)**

Płaćizna wobsahuje:      jězbu z busom a wšitke wulěty

přenocowanie w hotelu a połpensiju  
wodżenia w Rothenburgu a podłu Romantiskeje dróhi  
jězbu z ćahom w Nürnbergu  
zastup do cyrkwyje w Creglingen a do hrodu Weikersheim  
přewod přez Serbske šulske towarstwo  
wječerjeć na dompuću

Prosomy zajimcow, so hač do **7. měrca 2020** přizjewić.

|          |              |                       |
|----------|--------------|-----------------------|
| tel.-čo. | 03591 550214 | knjez Hadank          |
| tel.-čo. | 03591 550209 | knjeni Delenkowa      |
|          | e-mail       | hadank-ssv@sorben.com |

Za wuprawu přepokazajće prošu sumu hač do **31.03.2020** na konto SŠT.

**IBAN DE80 8707 0024 0619 8600 00**  
**BIC DEUTDEBCHE**  
**Deutsche Bank**

Přispomnjenje: "Rothenburg"

Z přećelnym postrowom

Serbske šulske towarstwo z. t.

Matthias Hadank a wuběrk wuprawy 2020